

Vischnaunca da Breil

Lescha davart la promoziun per
la construcziun da habitaziuns
e la migliur dallas relaziuns
da habitar

Art.	1	Intent	4
	2	Mesiras	4
	3	Prestaziuns e cundiziuns	4
	4	Ulteriuras cundiziuns	5
	5	Procedura	5
	6	Cuoz e restituziun	5
	7	Vigur	5

- Art. 1**
 Intent La vischnaunca promova el rom
- dalla lescha davart la promoziun da habitaziuns e dalla proprietad dils 04 d’october 1974
 - dall’ordinaziun tier la lescha davart la promoziun da habitaziuns e proprietad dils 30 da november 1981
 - dalla lescha davart la construcziun da habitaziuns socialas e la migliur dallas relaziuns da habitar el territori da muntogna dils 10 da mars 1985
 - dall’ordinaziun tier la lescha davart la construcziun da habitaziuns socialas e la migliur dallas relaziuns da habitar el territori da muntogna dils 05 d’october 1984

sco era

- sin fundament dallas ordinaziuns executoricas tier la lescha davart la construcziun da habitaziuns socialas e la migliur dallas relaziuns da habitar el territori da muntogna dils 02 da december 1985
- la construcziun, sanaziun, engrondaziun da habitaziuns e la migliur dallas relaziuns da habitar entras contribuziuns a privats, a corporaziuns dil dretg public, a sorprendiders, fundaziuns e corporaziuns communizeivlas per favorisar la construcziun da habitaziuns per famiglias, impedi ni invalids.

- Art. 2**
 Mesiras La vischnaunca presta sefundond sin las corrisponentas prescripziuns ed ordinaziuns cantunales e federalas duront silmeins 5 e sil pli 10 onns contribuziuns annualas al tscheins dil capital per promover la construcziun da habitaziuns socialas.
 Plinavon conceda ella contribuziuns unicas senza tscheins e che ston buca vegnir restituidas per migliurar las relaziuns da habitar.

- Art. 3**
 Prestaziuns e cundiziuns L’altezia dalla contribuziun communal e las cundiziuns sedrezzan suenter las prescripziuns cantunals e federalas.
 Las prestaziuns secumponan da contribuziuns annualas al tscheins dil capital ni da contribuziuns unicas als cuosts totals dall’investiziun.
 Sper las contribuziuns communalas che sebasan e sedrezzan suenter las prescripziuns cantunales e federalas, presta la vi-

vischnaunca, representada entras la suprastonza communal, sebasond sin questa vertenta lescha ina contribuziun unica da 1 % dalla summa da schazetg, la quala vala era per la fixaziun dalla taxa per la colligaziun d’aua, canalisaziun e taxa da serenera.

- Art. 4**
 Las prestaziuns vegnan dadas a personas naturalas e giuridicas ch’ein domiciliadas ni che prendan en connex cun la construcziun digl object domicil sin igl intschess dalla vischnaunca da Breil. Ulteriuras cundiziuns

- Art. 5**
 Las damondas per contribuziuns ein d’inoltrar alla suprastonza communal cun aschuntar ina motivaziun e tuts mussaments necessaris. Procedura

- Art. 6**
 Las contribuziuns communalas vegnan dadas duront il medem temps sco las contribuziuns cantunales. Cuoz e restituziun
 Concernent suspensiun e restituziun da prestaziuns nunggiustificadas entras midada da diever valan las prescripziuns cantunales.
 La contribuziun tenor art. 3 al. 3 da questa lescha ei da scuntrar cun las taxas da colligaziun d’infrastructura.

- Art. 7**
 Questa lescha passa en vigur cun l’approbaziun entras la radunonza communal. Vigur

Breil, ils 13 d’avrel 1987

En num dalla suprastonza communal Breil

Il president: *Augustin Cathomen*

Il canzlist: *Urban Caduff*